

Nr. 4 2023/24

Part generala

Register dils mieds d'instrucziun 2024/25

Il register da mieds d'instrucziun vegn approbaus e publicaus mintg'onn dalla regenza. En quel figureschan ils mieds d'instrucziun obligatorics e recumandai per las scolas populares grischunas.

[Register dils mieds d'instrucziun Grischun 2024/25](#) 

Platafuorma per cuntegns da formaziun romontschs

Las conferenzas regionalas romontschas han creau cun "furmazion.ch" ina plattaforma cun la finamira da metter a disposiziun cuntegns da formaziun romontschs a moda centrala. Silla plattaforma anflan ins en special materialias per la formaziun supplementara da lungatg, ina survesta dallas pusseivladads da studegiar ils lungatgs romans sco era materialias didacticas per l'instrucziun. La plattaforma "furmazion.ch" vegn sustenida digl USS finanzialmein muort igl interess da mantener e promover il lungatg.

[Plattafuorma per cuntegns da formaziun romontschs](#) 

Gruppa accumpagnonta talian primara

La gruppa accumpagnonta per talian ella primara ha l'incumbensa da persequitar l'instrucziun da talian ella primara, da brattar ils meinis e da formular finamiras intermediaras cun indicaziuns concretas arisguard la materia per las singulas etappas enteifer igl onn da scola.

Il stan intermediar actual ei vegnius publicaus ils 31 da schanner 2024.

[Stan intermediar talian primara](#) 

Novitads dil project IPPI

L'introducziun professiunala per persunas d'instrucziun (IPPI) ei in project da success.

Duront l'entrada ella professiun vegnan tut las persunas d'instrucziun sustenidas el Grischun cun purschidas dalla scola el liug, dil survetsch psicologic da scola, digl inspecturat da scola e dalla scol'aulta da pedagogia. Las purschidas sedrezzan a persunas ch'entran ella professiun egl emprem onn da survetsch, a persunas ch'entscheivan puspei a dar scola suenter in'absenza da silmeins tschun onns ed a persunas d'instrucziun senza scolaziun specifica per il scalem. Igl inspectorat da scola coordinescha e meina quei project. Duront igl onn da scola actual profiteschon varga 150 persunas d'instrucziun dalla purschida IPPI. 150 menturas e menturs accumpognan las persunas d'instrucziun en mira per ch'ellas damognien las sfidas professiunalias e persunalas dil mintgadi en scola. In cordial engraziament per quei engaschi.

Igl avrel 2024 ha liug ina retscherca online tier las persunas d'instrucziun en mira sco era tier lur menturas e menturs. Quellas survegnan igl invit da separticipar per mail. Engraziel fetg per vossa participaziun.

[Ulteriuras informaziuns](#) 

Esser autonoms el mund digital

La protecziun da datas ei impurtonta en mintga vegliadetgna. Il mied d'instrucziun da protecziun da datas "Selbst-bestimmt digital unterwegs" intermediescha las enconuschiantschas da basa ch'affons acquistan a partir dalla sconetta en concordanza cun lur vegliadetgna.

Ferton ch'eit va el ciclus 1 per la capientyscha fundamentala dalla sfera privata e per l'identificaziun da datas persunalas,

stattan els ciclus 2 e 3 il diever cumpetent d'instruments digitals e da plattaformas digitalas el center.

Il mied d'instrucziun gratuit ei concepius aschia ch'el sa vegnir duvraus da persunas d'instrucziun en differents settings, independentamein dalla grondezia dallas classas e dil nivel dallas scolaras e dils scolars. Biaras materialias san vegnir utilisadas a moda digitala ni stampada. Informaziuns supplementaras lubeschan da s'approfundir individualmein ellas tematicas.

Retscha da mieds d'instrucziun «Selbstbestimmt (→ digital unterwegs»

Sche veser secapescha buc da sesez – Midda da perspectiva

Il museum dalla patria da Tavau porscha naven dils 27 tochen ils 31 da matg 2024 en rama dils dis d'acziun naziunals per persunas cun impediments per scolas dil scalem miez e superiur dil Grischun guidas che sustegnan l'inclusiun el secur cultural.

Entran ils SeS tras la porta dil museum dalla patria, fan els l'experimentscha che "veser bein" secapescha buc da sesez. Cun egliers da simular differents munglaments da vesida evenimenteschans els, co spazis san vegnir percepi entras auters senns. Helene Zimmermann e Josef Camenzind dattan sco persunas pertuccadas investa el mintgadi da persunas tschoccas.

Annunzia tochen ils 27 d'avrel 2024 tier: elmer-wolf@bluewin.ch

Ulteriuras informaziuns (→)

Ura dils utschals d'iert

Ils utschals s'audan tier ils animals ch'ein specialmein sempels da scuvierer. A caschun dalla "ura dils utschals d'iert" da BirdLife Svizra ein tut las classas da scola envidadas d'observer ils utschals el contuorn da lur casa da scola e da dumbrar els. Ei dat da budignar in'excursiun gratuita el center natural. Quest onn ha la "ura dils utschals d'iert" liug naven dils 8 – 12 da matg 2024. Per tematisar ils utschals stattan a disposiziun differents mieds d'instrucziun e differentas materialias sin la pagina d'internet. A quest intent survescha era la plattaforma d'emprender online ch'ei elaborada bein per las scolas.

Mied d'instrucziun e plattaforma BirdLife Svizra (→)

Publicaziun d'occurrenzas per persunas d'instrucziun arisesguard l'elecziun da clamada

La cussegliazion professiunala porscha da niev occurrenzas per persunas d'instrucziun per l'orientaziun professiunala. Ina finamira ei denter autres che las persunas d'instrucziun survegnan informaziuns davart il tema dall'elecziun da clamada. La gruppa principala en mira ein las persunas d'instrucziun ch'instrueschan il proxim onn da scola il rom orientaziun professiunala. L'occurrenza ei gratuita e la partcipaziun vegn confirmada sin giavisch, per ch'ella sappi vegnir risguardada sco formaziun supplementara.

Sco pilot vegn purschiu in'occurrenza a Cuera:

Mesjamna, ils 22 da matg 2024, 14.00 – 17.00, Grabenstrasse 1, Cuera (en cass che Cuera ha "Maiensässfahrt", datum da reserva: mesjamna, ils 5 da zercladur 2024).

Suenter la realisaziun vegnan ulteriuras occurrenzas examinadas.

Ulteriuras informaziuns ed annunzia (→)

IdeenSets dalla SAP Berna

Persunas d'instrucziun che drovan material adattau per preparar l'instrucziun anflan bien sostegn cun ils sets d'ideas da la SAP da Berna che stattan a libra disposiziun. Ils sets d'ideas ein concepi per tut ils roms e tut ils scalems da scola (1. ciclus tochen scalem secundar II) e serefereschan sin in tema d'instrucziun elegiu e sil plan d'instrucziun actual. Mintga set d'ideas cuntegn in commentari didactic cun indicaziuns praticas davart l'utilisaziun dallas materialias ell'instrucziun. Persunas d'instrucziun e persunas dil fatg sviluppeschan e surlavuran regularmein ils sets d'ideas.

Ulteriuras informaziuns e schelta dils sets d'ideas (→)

Salids amicabels

Chantal Marti-Müller
Menadra USS

Philipp Hugentobler
Menader inspectorat da scola

Part regiunala

Termins

Planisaziun VPS 2021-26

Evaluaziuns onn da scola 2024/25:

Glion, Sec I	24-10-24 – 31-10-24
CSST, Trun	02-12-24 – 06-12-24
CSST, Rabius	13-01-25 – 17-01-25
LFSS, Sagogn-Schluein	10-03-25 – 14-03-25
LFSS, Laax-Falera	31-03-25 – 04-04-25

Giudicament d'admissiun 2024

Decisiun d'admissiun definitiva: 15-04-2024
Examen da recuors cantunal: 28/29-05-2024

Nus supplichein las pesunas d'instrucziun dallas 6avlas classas primaras da buc organisar occurrenzas da scola duront quels dus dis.

Occurrenzas d'informaziun per cussegls da scola

Gliendisdis, 10-06-2024, 19.30-21.30 uras

Ils cussegls da scola retscheivan ad uras in invit persunal per quella occurrenza.

Cordials salids

Inspectorat da scola Surselva
Alexi Nay, Vigeli Jacomet

